

# Газр деер силос дарлгъна дамшлт

Колхозин ах агроном үр В. Кудиновла кесн күүндвр

Элст балгъсна «Победа» колхозд сүл хойр-гурвн джилин ут-туршарт газр деер силос даргдна. Колхозникуд, газр деер даргдсн силос кимд, эдлхд амр болн сән чинртä болдгинь сәәнәр медв.

Колхоз эн джил 6 миньгън тонн силос дардж белдх зурата. 700 гектар газрин агъуд тәргдсн эрдни-шишән гектар болгънас 11 тонн көк ургъмл авгдджана. Ода деерән 194 тонн силос даргдсн бәәнә. Газр деер силос дарлгън 1-ч комплексн бригадт сәәнәр кегддж йовна.

Колхозин ах агроном үр Ку-

динов, газр деер силос ягъдж даргддж йовхин тускар иигдж келв:

— Саалин малин фермин өөр хойр скирд өвс зерглүлдж овалвдн. Өргндән 4 метр, утдан 21 метр хойр скирд хоорндк зәäd зузандан 50 сантиметр өвсн девскр тәввдн. Энүнә хөөн, хойр скирд хоорнд силос кегдх эрдни-шишә хайгдна. Эрдни-шишә хайгдсна хөөннь тракторар давталдж ишкгднә.

Силосд даргдх эрдни-шишә автомашигъяр, авто-терг чирсн тракторар зөөгднә. Машигъяр болн тракторар авч ирсн силос кех ургъмлиг тракторар

татад, күмләд унъгъасна хөөн, гарар тегшлдж тарагдна. Силос зузандан 2,4 метр тәвгднә. Энүн деер зузандан 2,5 метр өвсн хайгдад сәәнәр оралгдна.

Иигдж газр деер даргдсн силосин тонн болгънд 30-д арслнь, мөнъгн әрвлгднә. Силос кех эрдни-шишә хадлгънд комбайнер Виктор Мязин болн тракторист Виктор Барсуков үзмджтә сәәнәр көдлдж йовна.

«Победа» колхоз малд хойр джилдән күрх силос дардж авх әв-аргъта. Колхозникуд, эн аръан күцднь олзлхин төлә ик гидгяр гүдждж көдлджәнә.